



Inatsisartunut ilaasortaq Hans Enoksen, Siumut
Inatsisartut
MAANI/

§ 37 2012-140-imut akissuteqaat sinerissap qanittuani qaleralinniarneq il.il. pillugit

Inatsisartut suleriaasianni § 37 imm. 1 naapertorlugu sinerissap qanittuani qaleralinniarneq pillugu apeqquteqarsimavut, tassunga ilanngullugit aalisarsinnaanermut akuersissutit, angallatit il.il. qassiunersut. Apeqqutit uannut akisassanngortinneqarsimapput.

Apeqqutit:

1. Qaleralinniarneq eqqarsaatigalugu aaqqissuusseqqinnermi Upernaviup Uummannap kiisalu Ilulissat aqutsiveqarfiini nunaqarfittai tamaasa ilanngullugit aalisartut qassit akuersissummik tunineqanngillat?
2. A. Qaleralinniarlutik nutaamik aallartinniartut inuusuttut qassit qinuteqarsimappat?
B. Qassit akuerineqarpat?
C. Qassit itigartinneqarpat?
3. A. Angallatit qassit ukiut pingasut iluanni arlaatigut akornuteqarlutik aalisarsimannngitsut qassiuppat?
B. Qassit akuersissummik tunineqarpat?
C. Qaleralittassinneqarsimappata tonsit qassit angallammut ataatsimut pisassi-issutigineqarpat?
4. Angallatit ukiut pingasut iluanni akornuteqarlutik aalisannngitsut qanoq anner-tutigisumik Namminersorlutik Oqartussanut taarsigassarsiaminnut aningaasanik qassinik akiligassaqarpat?
5. Aalisartut ilaat angallatimi arlaatigut akornuteqarnerat pissutigalugu aalisannngitsut alloriaqqinnissaat eqqarsaatigalugu qanoq iliortoqarniarpa, aalisarnis-samut akuersissummik tunineqarnissaat eqqarsaatigalugu?
6. A. Qasigiannuani Aasiaanni Qeqertarsuarmi Kangaatsiamilu nunaqarfittaan-ilu aalisartunut akuersissutit qassit tunniunneqarpat?
B. Qassit itigartinneqarpat?

Akissutit:

1-imut) Aallarniutigalugu nalunaarutigisinnaavara, kikkut tamarmik aalisarsinnaanermut akuersissuteqarsimasut siornalu aalisarsimasut, 2012-imi aalisarsinnaanermut akuersissummik tunineqarsimammata. Inuit taamatut piumasaqaammik naammassinnissimannngitsut qinnuteqaamminnik itigartinneqarsimapput taakkulu imaapput:

- Aqutsiveqarfik Upernavik: 48-it
- Aqutsiveqarfik Uummannaq: 47-it
- Aqutsiveqarfik Qeqertarsuup Tunua: 56-it.

2-mut) Inuusuttut aalisartut pillugit apeqqutigisannut tunngatillugu, nalunaarutigisinnava-
vara, matumani aallaavigineqarsimammata aalisartut 20-inik taakkualu ataallugit ukiullit.
Taamatut ukioqatigiiaaniit Naalakkersuisoqarfik 2012-imi sinerissap qanittuani qaleralin-

28. juni 2012
Sagsnr. 2012-067264
Dok. Nr. 943140

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

niarnermut aalisarsinnaanermik akuersissutinik qinnuteqaatinik katillugit 51-inik tigusaqarsimavoq. Taakkunannga 26-it aalisarsinnaanermut akuersissummik pissarsisimapput 25-illu itigartinneqarsimallutik.

3 aamma 4-mut) Angallatinut akornutilinnut apeqqut pillugu nalunaarutigisinnaavara, imaasiallaannarlugu periarfissaqanngimmat sukumiinerusumik nalunaarutigissallugit, taakkunannga qassit, ukiuni kingullerni pingasuni ingerlatsisimanersut. Aalisarsinnaanermut akuersissut pillugu apeqqummut tunngatillugu, apeqqut 5-imut akissutigineqartumut innersuussisoqassaaq. Oqaatigisinnaavarput, angallataatillit ukiuni kingullerni pingasuni ESU-mut taarsersugassaminnik akiliuteqartarnersut pillugit. Maannakorpiaq 86-inik aalisartoqarpoq, ESU-mut akiitsulinnik, taakkunanngalu 83-init 32-it ukiuni kingullerni pingasuni ESU-mut pisussaaffimminnik eqquutsisisimangillat. Katillugit aalisartut 32-it pineqarput, katillugit 9 mio. kronit missaannik sinneruttunik akiitsullit. Ilangullugu ESU-mit ukiuni kingullerpaani marlunni suliassat sisamat (4) akiliisitsiniartarnermik oqartussaasunut nassiunneqarsimapput, tassani pineqarlutik ESU-mut akiitsut katillugit 5,5 mio. kronit.

5-imut) Pisassiissutinit pigisanik tunineqarnissamut aallaaviuvoq Sinerissap qanittuani qalerallinniarneq pillugu Namminersorlutik Nalunaarutaanni nr. 2, 2. februar 2012-imeersumi § 10 imm.1, imaattunik oqaasertalik:

”§ 10. Sinerissamut qanittumi qalerallinniarsinnaanermut akuersissummik pigisaqartut pisassiissutinit pigisaannik aalajangersaasoqassaaq 1. januar 2009-miit 31. december 2011-mut angallat takissusia tamakkerlugu 6 meterimit takinerusoq qimusserluunniit atorlugu aalisarsinnaanermut akuersissummik pigisaqartup qalerallinniarmi ukiumut aggu-aqatigiissillugit pisai aallaavigalugit.”

Angallatit piffissami akornuteqarsimasut aalisarsimangillat taamaattumillu pisassiissutinit pigisanit tunineqarsinnaanatik. Angallatinut taakkununnga piginnittut piffissami umiatsiaarorsorlutik aalisarsimasut, umiatsiaaqqanut aalisarsinnaanermut akuersissummik tunineqarsimapput. Tamanna pisassiissutinit pigisanit ataatsimiititaliami oqallisigineqarsimavoq ataatsimiititaliamillu taamatut aalajangersimaneq uppersarneqarsimaluni.

6-imut) Naggasiullugu nalunaarutigisinnaavakka 2012-imi Qasigiannuani, Aasianni, Qeqertarsuarmi aamma Kangaatsiami aalisarsinnaanermut akuersissutit itigartitsinerillu qassiunersut:

- *Qasigiannugit:* Aalisarsinnaanermut akuersissutit 40-rut itigartitsinerillu 7-it.
- *Aasiaat:* Aalisarsinnaanermut akuersissutit 22-it itigartitsinerillu 31-it.
- *Qeqertarsuaq:* Aalisarsinnaanermut akuersissutit 26-it itigartitsinerillu 9-it.
- *Kangaatsiaq:* Aalisarsinnaanermut akuersissutit 46-rut itigartitsinerillu 21-vit.

Inussiarnersumik inuulluaqqusillunga